



## Universitätsbibliothek Paderborn

### **V. P. Gasparis Druzbicki, Societatis Jesu, Opera Omnia Ascetica**

Aucta Duobus Opusculis De Effectibus, Fructu, Et Applicatione Sanctissimi  
Missæ Sacrificii, Et De Sublimitate Perfectionis Religiosæ. Catalogum  
Tractatum Asceticorum Omnium Vicina Post Dedicationem Pagina  
Indicabit

V. P. Gasparis Druzbicki, Societatis Jesu, Fasciculus Exercitiorum Et  
Considerationum, De Præcipuis Veritatibus Christianæ Fidei Et Sapientiæ -  
Ad efformationem Christianæ vitæ, consecutionem salutis æternæ  
collectus: & usui accommodatus

**Druzbicki, Kaspar**

**Ingolstadii, 1732**

**VD18 90066332**

Exerc. 3. Quid Jesus Pasius loquatur ad nos?

**urn:nbn:de:hbz:466:1-45396**

pro nomine suo, sed quasi pro vilitatis & iniquitatis tuæ commérito.

P R A X I S.

*JESU* in Doloribus posite, atque in Calamitatibus plañe propter me demerse & desixe. Heu me! qualis Tu es propter me, & quam ego dissimilis tibi in hoc statu tuo? quam potius præ erubescendâ mollitiæ meæ horreo, & erubesco, & fugio esse similis tibi, vel in modico: licet hic ærumnosus status, omni jure est mihi debitissimus, quippe qui incomprehensibiliter sum vilis, & peccator, & omnis supplicii reus. O mi unice Amator, & Benefactor *JESU*, largire mihi, Passionis tuæ, cujus quidem præ omnibus aliis peccatoribus ego maxima sum causa, fructum hunc præcipuè: ut fiam Tibi quam simillimus, in passionibus, in afflictionibus, in contemptibus, in paupertate, in doloribus, in opprobriis, in Cruce, in Morte. O mi *JESU*, sustenta, corrobora, vires, & animos adde: perseverantiam, & efficaciam largire, huic misello, patiendi tecum & pro te desiderio: & fac me dignum, habere consortium, & gustum, & famem Crucis tuæ.

EXERCITIUM III.

Quid *JESUS* Passus loquatur ad nos?

1. Statue tibi ob oculos Cordis, *JESUM* Passum, & undique ærumnis circumdatum; juxta illud Propheticum: *Veni in altitudinem maris, & tempestas demersit me.* Ps. 68. 3.
2. Intuere illum accuratè in hoc statu positum, non habentem speciem, neque decorem, sed totum quasi leprosum, novissimumque virorum,

rorum, & percussum à Deo, atque humiliatum propter Te.

3. Aures si habes audiendi; arrige: ad audiendam vocem sermonum hujus Prophetæ atque Concionatoris: (Patris, Magistri, Medici, Domini, Benefactoris, Amici, legislatoris, Sponsi &c.) at te non tam Ore, aut Verbis, quàm Vulneribus & Doloribus, sanguineisque guttis, & lachrymis perorantis. Dicit ergo tibi

1. Ego sum pastor ille bonus, qui animam meam posui pro te.

2. Majorem Charitatem habet nemo: quàm ut Animam suam ponat pro Amicis suis; ego autem posui pro inimicis, pro ingratis, pro inutilibus, pro vilissimis quorum unus, & primus es tu.

3. O vos omnes, qui transitis per viam presentis vitæ, attendite, & videte, si est Amor, sicut Amor meus: & si est Dolor, sicut Dolor meus: si est sumptus, sicut sumptus meus?

4. Ecce quomodo dilexi te? Vide quantum mihi constes? attende quanto labore sudatum est, ut exiret à te rubigo tua, & egressa non est.

5. Quis sum ego? & Tu quis es? quid ego egi ac pertuli pro te: & tu quid pro me? imo, quod tu non egisti, atque etiam pertulisti, protulisti que contra me?

6. Quid debui (potui) ultra facere vineæ meæ, & non feci? Lapidem collegi ex ea, sepem circumdedi ei, fodi in ea torcular, plantavi vitem electum: ædificavi in eâ turrim; locavi eam agricolis, omnem palmitem non ferentem fructum præcidi, & purgavi: ut fructum plus affereret: expectavi triennio, & triennio, ut faceret uvas,

fecit

Ex.III. Quod Iesus Passus loquatur ad nos? 22 I

fecit autem labruscas, fecit etiam spinas: & uva  
ejus uva fellis, botri amarissimi: fel draconum vi-  
num ejus.

7. Si in viridi Ligno me, hæc fecerunt pecca-  
ta tua: in te arido quid fiet?

8. Quo ultra argumento comprobabo tibi,  
o homo, Amorem meum erga te, & solitudi-  
nem meam pro te? Quibus pretiis emam à te, ut  
illigas me? quibus laboribus, aut meritis emere-  
cor apud te obsequium, fidelitatem, sinceritatem,  
constantiam? quibus Armis aut Machinis expu-  
gnabo Cor tuum, ut subjiciam mihi, ut conver-  
tam ad me, ut adhærescere faciam illud mihi?

9. O quousque dissolueris filia Vaga, infi-  
dens Anima? quousque fodies tibi Cisternas dis-  
spatas, non valentes continere, neque exhibere  
aquas salutis, sed tantum aquas salvas, & amaras  
valde?

10. O Anima dilecta, & electa, de millibus  
tuis: Cur deseris me, & recedis à me, & vadis  
post amatores multos? & certè illi non sunt Ama-  
tores, sed illusores, sed inimici, sed proditores,  
sed despoliatores, sed vulneratores, sed interfe-  
tores tui. Quid invenisti in me Deo, Redem-  
ptore, Patre, Medico, & Sponso tuo, iniquitatis;  
quod displiciam tibi, & post tergum tuum abjicias  
me? quid verò bonitatis, & salutis, & amoris in-  
venisti in Æmulis, & Adversariis meis, magis au-  
tem in hostibus & mactatoribus, devoratoribus-  
que tuis, ut præponas eos mihi, & vadas post eos  
indubitata perditionem!

11. Quousque facies me pendere in Cruce,  
non Judæorum, sed scelerum tuorum? quousque  
configes me, quousque flagellabis, quousque  
spinis

Handwritten notes in a cursive script on the right edge of the page, including the words "Sicut", "me", "no", "m", "II", "N", "V", and "S".

spinis coronabis, quousque blasphemabis, quousque Barabbæ postpones me, quousque dabo in escam meam fel, & in siti meâ potabis me aqua? quousque iterum iterumque crucifiges me? ipsi me, & ostentui habebis me? quousque inimici mei os suum aperient super me, & amaritudines amaritudines improperebunt mihi, quia plures illos dilexisti quàm me: & quia amplius ab illis emeruisti æternam mortem, quam æternam vitam à me.

12. Ad vos ô Pastores Ovium mearum sunt sermones mei: Os meum patet ad vos: cor meum vulneratum atque dilatatum est. Emihi Animas non auro, neque argento, neque corruptibilibus, sed pretioso sanguine meo, quousque totus robeo, sed lethalibus vulneribus quibus concisus sum & emorior. Has vobis curandas pascendas, comisi: has vos in curam vestram suscepistis, harum lacte vescimini, harum lanâ operimini: harum salute ego non gaudeo, sed earum perditione impropereat mihi diabolus, & saginatur infernus: Vos ergo effugietis Judicium meum, cum venero ad requirendum de manibus vestris sanguinem pretiosarum mihi Animarum. Ah! quomodo vos effrigetis, qui tantam neglexistis salutem!

4. Potes & ultima septem Christi verba, habere ipsi negotio, id est, sermoni ad nos Dominico commodare.

1. Exorat Christus suis Crucifixoribus Patrem: & te non exorabit, ut benignum & amantem te exhibeas erga fratrem?

2. Com

2. Commendat Matrem Joanni, & Joannem Matri: commendat & tibi eandem Matrem suam: tum ipsissimam Genitricem: tum eam quæ tua in spiritu Mater est communitatem. Et accepisti ne utramque in propria?

3. Latroni Paradysi consortium promittit Christus, & largitur: quæ fors nulli etiam discipulorum à Domino contigit: nimirum publicani & meretrices, & peccatores, & latrones præcedunt ad Regnum Dei, filii autem regni ejiciuntur foras. Nempe non sublimitas statûs, sed virtutis instatu sublimitas, & fervor in studio placendi Deo: placet Deo.

4. Consubstantialis, & coæternus Patri Filius, subtractum suæ Humanitati ad horam protectionis partem lamentatur: Nos etiam ridentes, jocantesque effugimus, & effugamus à nobis Deum nostrum: cogimusque ipsum, ut vel nolens derelinquat nos.

5. Sitire se protestatur JESUS: & Calicem quidem aquæ frigidæ: sed magis infinities salutem nostram, amorem nostrum, ardorem & constantiam nostram, fructum gloriæ suæ & salutis Animarum; Et quis, quotusque est, qui expleat sitim Domini?

6. Consummatum esse suum laborem, Amorem, Dolorem, Opus suum, Dominus asserit pro nobis: cum nos pro Deo ne quidem inchoaverimus.

7. Non soli Patri suo commendat in manus Dominus JESUS Spiritum suum: etiam cuilibet Fidelium suorum commendat eundem. Neque satis est illi, quòd in manibus Patris æterni sit: vult etiam illum in nostris Cordibus, Amoribus, Manibus,

Handwritten notes on the right edge of the page, including the word "Sicut" and other illegible characters.

nibus, Operibus esse, manereque, non tantum viventem ac securum, sed etiam vegetum, etiam succrescentem, etiam superadultum usque ad mensuram ætatis plenitudinis Christi. Spiritum Christi, qui non habet: hic non est ejus.

5. Hos, similesque sermones Passi & Crucifixi JESU audiens, deliberabis, judicabisque tecum ipse, quid te respondere ad hæc Domini dicta par sit: respondebisque statim, & quidem magis affectibus, quam vocibus, Corde potius quam ore, opere & effectu, potius copioso, quam sterili affectu.

## P R A X I S.

JESU in doloribus demerse, atque in Virum & Regem erumnarum transformate, & non tam vulneribus concise, quam totus unum quoddam immensum vulnus facte; Heu! quam ista vulnera, tormentaque tua clamant ad me! heu! quomodo vim facient cordi meo clamore suo! Audio Domine, audio, ac plane etiam video, manibusque ipsis palpo quid tu justissime requiras à me: & quomodo nullam excusationem, præter ignaviam meam, habeo coram Te. En Domine, en Cor meum, en Voluntas, & Intellectus, & Memoria. En Amor, & Libertas, & Honor. En Corpus, & Anima, & Vita, cum omnibus partibus, potentiis, sensibus, actibusque suis. En tota substantia mea, cum tota capacitate suâ, tibi parata, tibi subdita, tibi reddita, tibi donata, oblata, & devota. O Domine, da quod jubes: & jube quod vis. Amorem jubes? da quod jubes, & jube quod vis. Pati jubes? contemni jubes, laborare jubes, subdijubes, condonari jubes, condemnari jubes, mori jubes? da quod jubes, & jube quod vis. Por-

Portio mea, Voluntas tua, & portio tua Voluntas mea:  
portio mea Sanguis tuus, portio tua sanguis meus:  
portio mea Dignitas tua: portio tua dignitas mea:  
portio mea Substantia tua: portio tua substantia mea,  
in eternum.

### EXERCITIUM IV.

JESUS Passus, Aqua Medica, in ablutionem, & sanitatem.

1. Statue tibi ob oculos JESUM Passum.

2. Inspice illum diligenter in hoc ejus admirabiliter miserabili statu esse velut Balneas, & Medicas aquas: in ablutionem & sanationem omnium morbidorum.

3. Considera hoc balneum: tibi quoque, unà cum Mundo universo, præparatum & instructum: te ad illud invitari.

Invitant voces illæ; Omnes sanctes venite ad Aquas. Et, erit fons patens domui

*If. 55. 1.  
Zach. 13. 1.*

Israel ad ablutionem peccatoris & menstruata. Et, venite ad me omnes qui laboratis & onerati estis, &

*Matt. 11. 18.*

ego reficiam vos cibo meo, potu meo, mendicatione meâ. Et adhuc: Effundam super vos aquam

*Ezech. 36. 25.*

mundam, & mundabimini ab omnibus inquinamentis vestris, & dabo vobis Spiritum novum, & vivetis.

4. In hoc balneo te demerge: atque in his thermalibus fontibus; sudore, sanguine, lachrymis, laboribus, tormentis, opprobriis, contemptibus, ægestate, morte, meritis, & gratis JESU Christi abundantibus: ac propter te manantibus.

5. Lavare in his aquis tanquam immundus: calefas tanquam tepidus: conforteris tanquam

debilis:

V. P. Druzb. Op. V. P debilis:

*Handwritten notes on the right edge of the page, including the name 'Druzb.' and various numbers and symbols.*